

# اسم الله الفتاح | الحلقة ( 10 ) | #إنا\_فتحنا\_لك | د. حازم

## شومان

حازم شومان

اسماء تجلت في الورى. فاهاطف بها واجعل لقلبك انا فتحنا والفتاح ميسرة اسماؤه الحسنى تجلت في الوراء. سلام عليكم ورحمة الله وبركاته. جمهورنا الحبيب ربنا يبارك فيكم وربنا يحفظكم يا رب. هنعيش مع اسم من اسماء الله الحسنى. عارفين يعني ايه اسماء الله الحسنى يا جماعة؟ تسعة وتسعين مهدئ نفسي - 00:00:00

تسعة وتسعين باب للسعادة. تسعة وتسعين باب لرضوان الله. مستشفى الاسماء الحسنى الطبيب فيها هو الله سبحانه وتعالى لو كل طبيب نفسي عالج المرضى بتوعه بالاسماء الحسنى داواوا مرضاكم بالاسماء الحسنى. تسعة وتسعين حصانة ضد الاكتئاب - 00:00:53

اطرق نوبات الهلع والفزع. قال رسول الله صلى الله عليه وسلم من احساها دخل الجنة. جنة الدنيا قبل جنة الاخرة للي هييعيش في ظلال الاسماء الحسنى. تخيل كده لو انت داخل سوبر ماركت وقابلت واحد فبتكلم معه عادي وبتتعرفوا على بعض وانت بتتعرف عليه. فوجئت ان هو وزير - 00:01:13

الوزرا او حد مالطي ملياردير او حد صاحب مالطي ناشيونال جروب كبيرة. معاملتك معه تتغير فورا. هتتغير فورا لانك عرفته. هو هو ده مفتاح التغيير كله. لو عايز تتغير في الدين. لو عايز قلبك يتغير. لازم تعرف ربنا. مش ممكن هتحبه وانت ما تعرفوش. مش ممكن هتخاف منه - 00:01:33

وانت ما عرفتوش. مش ممكن هتشتاق للجنة وانت ما عرفتوش. مش ممكن هتزهد في الدنيا وانت ما عرفتوش. مش ممكن هتنقبي فيه اطمئن اليه اليه وانت ما عرفتيهوش مش ممكن يا جماعة. مش ممكن هنشتاق للفردوس الاعلى واحنا ما عرفناش ربنا. انت ممكن تعيش من غير اكل اربعين - 00:01:53

يوم ده كلام علمي. ممكن تعيشي من غير شرب لمدة تلات ايام. انت ممكن تعيش من غير نفس لمدة تمن دقاييق انما مستحيل تعيش من غير امل واطمئنان سانية واحدة. هو اللي بيرمي نفسه تحت مترو ولا بيروح في نفسه ولا بتشنق نفسها - 00:02:13

ولا بيضرب قلبه بسکينة والعياذ بالله وبيتحر ليه ؟ لأن سانية واحدة بس اليأس اتسرب لقلبه ما قدرش يستحمل ولا قدر يعيش مع اليأس انت ممكن تعيش من غير كبد تلات ساعات. ممكن تعيشي من غير كل اسبوع كامل. ولكن مش ممكن تعيش من غير معرفة ربنا سانية واحدة. مش ممكن تعيش من - 00:02:33

غير امل في الله سانية واحدة. عشان كده اعزم احتياج في الوجود هو معرفة الله سبحانه وتعالى. لو عرفناه هتحبه لو عرفناه حياتنا هتتغير لو عرفناه معاملتنا هتتغير. عشان كده الله سبحانه وتعالى في سورة الصاف قبل ما سبحانه وتعالى يقول تجاهدون في سبيل الله - 00:02:53

للله ربنا سبحانه وتعالى قال ايه؟ قال سبح لله ما في السماوات. الكون كله اتقلب مسجد في لحظة. الكون كله بيسبح ربنا. ربنا قبل ما يكلم عن الامر كلمك عن الامر. لو عرفت الامر صلاة الفجر هتبقى سهلة عليك. لو عرفت الامر التضحية باي شيء عشان الدعوة الى الله - 00:03:13

هتبقى سهلة عليك. لو عرفت الامر تكبيرة الاحرام هتبقى سهلة عليك. لو عرفت الامر حجاب امهات المؤمنين هيبقى سهل عليك. لو عرفت الان تامر ما عدش المعصية اللي معزباك وواقفة حاجز بينك وبين ربنا هيبقى التوبة منها صعبة عليك. لو عرفت الامر هيبقى ازهار خصلة من شعرك او - 00:03:33

او او او علاقة حرام في حياتك مش صعبة عليك انك تسيبها. لو عرفنا احنا بنسيب عشان مين. عشان كده رسول الله صلى الله عليه وسلم عليه افضل الصلوات من رب العالمين. قال ذاق حلاوة الايه؟ حلاوة الايمان من كان الله ورسوله احب اليه من - 00:03:53 مسواهما لو عرفنا حب ربنا هندوق حلاوة الايمان. عارفة يعني ايه حلاوة الايمان؟ الدنيا هتبقى حلوة. الابتلاء هيبقى حلو. طعم الحياة هيبقى حلو. كل حاجة في الحياة هتبقى حلوة هنبقى عايشين حلاوة الدنيا وحق الصلاة هتبقى حلوة. قيام الليل هيبقى حلو. الصيام هيبقى حلو. الايمان حلاوته - 00:04:13

هتحلي كل حاجة في الحياة السكر الحقيقي بتاع الحياة هو الايمان. اه لو عرفنا ربنا لما ايوب عرف ربنا قال على اشد ابتلاء في الدنيا مسني الضر. وكأنه مس بسيط - 00:04:33

لما سليمان عرف قد ايه قدرة ربنا وقد ايه كرم ربنا قال هب لي ملكا لا ينبعي لاحد من بعدي. لما سيدنا محمد عليه الصلاة سلام. عرف جلال ربنا كان بيقول يا عائشة ان عيني تنام ولا ينام قلبي. انا بغمض عيني وقلبي. عايش مع - 00:04:48 جلال الله ومع ملوكوت الله سبحانه وتعالى هناخد النهاردة اسم يا جماعة باذن الله سبحانه وتعالى اسم من مستشفى الاسماء الحسنى مرضاكم بالاسماء الحسنى. الله سبحانه وتعالى بيقول اية ايا ما تدعوا انت نفسك في ايه؟ احلامك ايه؟ امانيك ايه - 00:05:08 اقصى امنية في الحياة لك ايه ايه الباب اللي مفقول قدامك ونفسه انه يتفتح ايا ما تدعوه فله الاسماء الحسنى كل الاسماء الحسنى ابواب للدخول على الله تسعة وتسعين باب. للوصول لتحقيق احلامك تسعة وتسعين باب. للسعادة تسعة وتسعين طريق للفريق - 00:05:28

الفردوس الاعلى تسعة وتسعين طريق لحب الله. والحياة القلب مع الله سبحانه وتعالى. الاسماء الحسنى دي من معجزات الاسلام. ودي اللي بتخللي الدنيا جنة ودي اللي بتفرحنا بربنا سبحانه وتعالى هناخد النهاردة اسم يا جماعة. هناخد اسم مهم قوي في الايام دي. الايام اللي كل الناس بتقول هي مقللة ليه - 00:05:48

الدنيا مقللة في وشي. الابواب مسدودة. اروح فين؟ انا حاسس ان انا مخنوقة. انا حاسس انا مفقول من جوايا اصلا. نفسيتي مقوله. طب اعمل ايه تروح فين واتصرف ازاي في الايام اشد ايام مرت على الكرة الارضية فيها مرض وفيها كرب وفيها ضيق وفيها خنقة اسم مهم قوي قوي - 00:06:08

قوي قوي. اسم البشر كلهم متعلقين به. اسم بيكلم واحد حسان الدنيا قدامه مسدودة. وان السكة اللي هو ماشي فيها جابت اخرها. وما عدش عارف قدم خطوة لقدم هنتكلم النهاردة عن اسم محتاجينه في كل لحظة في حياتنا. عن اسم كان رسول الله صلى الله عليه وسلم بيدععي ربنا به. مع - 00:06:28

كل طلعة نهار ومع كل دخلة ليل. وعند قيام الليل وعند السحر الاعلى. هنتكلم عن اسم الله الفتاح اسم احنا محتاجينه في الايام دي يا جماعة. لأن الايام دي كلها اغلاق. كلها خنقة. كلها قافلة حتى من جواك. تقول انا مفقول ليه؟ انا نفسيتي مقوله ليه - 00:06:48 الدنيا مقللة حواليا ليه؟ عشان كده اسم الله الفتاح. الناس كلها مرتبطة به. بس من غير ما تحس. يعني تعال كده اي داعية وهو طالع مسلا يدي درس. لأن الناس تقول له - 00:07:08

الله يفتح عليك يا مولانا. الله يفتح عليك. تعال كده شف مسلا واحدة شافت عروسة لابنها انا قلبي اتفتح لك. اول ما شفتك شف كده واحد فاتح محل جديد يا فتاح. اول اسم بيقوله يا فتاح يا عليم يا رزاق يا كريم يا مدرس لما يلاقي طالب نبيه عنده - 00:07:18

يقول له الله يفتح عليك يا ابني. الله يفتح عليك. شوفوا ايام وابنها خارج برة تقول له ربنا يفتحها في وشك. رح يا ابني ربنا يفتح ابواب الرزق يا ابني شوفوا يا جماعة اسم الفتاح الناس مرتبطة به قد ايه؟ الناس مرتبطة باسم الفتاح كتير كتير ده احنا مهمها اتكلمنا

مرتبطة بالاسم ده قوي ليه ؟ اصل الفتاح لما يفتح بيفتح اصل ربنا لما بيدي بيدي الفتاح لما يفتح تخيلوا مسلا كتب زي الامام النووي رحمة الله. يعني ايه المشكلة ان انا جبت اربعين حديث وخطبهم في كتاب - 00:07:58

وسميتهم الأربعين النووية العالم كله القارات السبعة وصل لها كتب الامام النووي يعني فيه الف كتاب اتألف زي كتاب رياض الصالحين اشمعنى كتب هذا الرجل رحمة الله اللي مات في عز شبابه ؟ يعني الامام النووي مات اكبر من سن الوقت واقل من سني الوقتي وانا قاعد. الامام النووي مات في اول الأربعين - 00:08:13

رحمة الله يعني فتح الله لما ربنا يفتح الابواب للكلمة اللي خرجت من لسانك وتلقيها وصلت للدنيا كلها. لما يفتح بيفتح لما ربنا فتح على اويس القرني. واحد من العشرة المبشرين بالجنة كان واقف يطلب منه ان هو يدعى له - 00:08:33

استغفر له سيدنا عمر بن الخطاب يدور على اويس القرن يقول له ادعني لي ده عمر ابن الخطاب من العشرة المبشرين بالجنة. ربنا يفتح على شاب من الشباب بنشووفها كثير - 00:08:53

السوشیال ميديا شاب يعني ممكن شاب بسيط وتلقي المقاطع بتاعته بقت بالملابين ربنا الفتاح. ربنا ممكن تلقيه يفتح على شاب فقير جدا يبقى ملطي مليونير فكرة واحدة ممكن واحد يبقى ملاديير بسببها. هي الفيسبوك ليه ؟ دي فكرة. فكرة صاحبها بقى من اغنى عشرة على وجه الارض. الاختراعات - 00:09:03

اكتشافات كل دي من اثار اسم الله الفتاح كل الدنيا كلها دلوقتي مستنية مصر كورونا. مستنية ان مرض كورونا ده يلاقوا له مصر. مستنية ان ربنا يفتح على حد بفكرة مصر. ربنا الفتاح - 00:09:23

احنا عايشين في كرم الفتاح سبحانه وتعالى قادر انه يفتح. هدف الحلقة بتاعة النهاردة ان انا اقول لك قادر انه يفتح لأن انا حاسس بك. وحاسس بك وانت بتقولي ممكن اللي انا فيه ده يبقى فيه فرج منه ! يعني انا ممكن اخرج من اللي انا فيه ! يعني الطريق المسدود ما هو اسم الله الفتاح بيكلم كل واحد وصل لطريق مسدود - 00:09:37

كل واحد مع مراته وصلوا لطريق مسدود خلاص البيت هينهار. البيت هيخرب كل واحد مع ابنته بيدهمن ولا ابنته عنده سلطان ولا ابنته اتولد خلاص وصل لطريق مسدود. كل واحد في شغلة بالزلات بعد ازمة كورونا وصل لطريق مسدود. كل واحد وصل لاكتئاب نفسي وامراض نفسية - 00:09:57

الدكاترة قالوا له خلاص اللي احنا عملناه معك ده اخر الطب خلاص. وحس انه وصل لطريق مسدود كل واحد عليه ديون. وحس انه وصل لطريق مسدود اسم الله بيقول لي كل اللي الدنيا قفلت في وشهم فيه ابواب كثير اوي للفرج. الوحيد اللي يعرفها هو ربنا. وعنه مفاتيح الغيب - 00:10:17

يعني ايه عنده مفاتيح الغيب ؟ فيه ابواب كثير اوي للفرج انت ما تعرفيهاش. فيه ابواب كثير قوي للفتح انت ما تعرفهاش. فيه فرص كثير. ربنا قادر انه حالك هو اللي يعرفها. انت ما تعرفهاش. اه لو وقفت على بابه. على بابك يا رب ممكن يكون اللحظة اللي انت هتليأس فيها على باب ربنا وتسبيبه. هي اللحظة - 00:10:37

الباب هيفتح فيها هيفتح مش هيسيب الباب مفتوح ابدا. اصل هو اسمه الفتاح. هو سمي نفسه الفتاح ليه ؟ الا لو هو عايز يعرفها الا لو هو رايد يعرفك انه هيفتح لك وانه هيفتح عليك. سبحانه وتعالى قادر انه يفتح. قادر انه يفرجها عليك. سبحانه وتعالى. كنت باتكلم - 00:10:57

كنت لسه خارج من المستشفى يعني مرة من المرات الواحد دخل فيها المستشفى عنابة القلب نسأل الله العافية. نسأل الله العافية. نسأل الله ان يفتح علينا بالعافية قاعد مع واحد فيبيقول لي والدي سافر المانيا عشان يتعالج. مريض بالقلب. الدكتورة في المانيا قالوا له قالوا خلاص ميت ميت. الموضوع لا يمكن - 00:11:17

هو الموضوع ساعات او ايام. بيقول اخويا اتصل الرجال بيحكى لي بنفسه. بيقول اخويا اتصل بي من المانيا قال لي رح جهز التربة بتاعة ابوك. رح صل مصلح المدافن وجهزها لان يا والدك هيرجع ميت يا اما هيموت اول ما يرجع. فيبيقول رحت وجهزت التربة

وجهزت كل حاجة خلاص ابويا ميت ميت - 00:11:36

اكبر دكتورة في العالم واكبر اساتذة قالوا ميت ميت. بيقول لي ابويا جه تلاتين سنة تلاتين سنة بعدها ما اشتراكش من مرض تلاتين سنة بيقول لي ما رحش لدكتور بيقول لي لما كان يتعب ولا كلتيه توجعه ولا اي حاجة توجعه يحط ايده على مكان الالم ويرقي نفسه. فايه السر؟ قال - 00:11:56

من ساعة ما رجع. بقى كل يوم يصحى الساعة اتناسنر بالليل. يمسك المصحف ويقعد يقرأ لحد الفجر. قال لي يوميا تلاتين سنة قال لي لحد من يوم ما مات تلاتين سنة ما احتاجش يروح لدكتور. ربنا الفتاح راح للفتاح. لما الدكتورة قفلوها في وشه - 00:12:16  
لما الناس قالوا له ما فيش فايدة والله يا شباب.انا لما باروح لاي طبيب ويقول لي خلاص الموضوع ده ما لوش حل غير كذا. والله ما استبشر ان الشفاء - 00:12:36

نازل من عند الفتاح. وان الفرج نازل من عند الفتاح. اول ما البشر بيففلوها ربنا بيفتحها بين عبده عشان يعرفك قدرته سبحانه وتعالى بيفتحها قادر يفرجها. تخيل كده واحد والدته اصيبيت بكورونا. نسأل الله العافية لنا جميعا ولجميع المسلمين يا رب. اصيبيت بكورونا وحاول يجيب لها تنفس ومرق النفس - 00:12:46

وبدأ ضوافرها تزرق وشفايفها تزرق اجري بها على مستشفيات. ما فيش مستشفى راضية قبلها ولا فيه مستشفى عندها مكان. وفجأة واحد بيكلمه فقال له بنتي بتموت قال له طب انا اعرف دكتور. بيتصلك بالدكتور قال له تعال انا عندي مستشفى خاصة. وفيها اوضة فاضية واجهزة التنفس كلها ووسائل - 00:13:07

التنفس كلها موجودة. فجأة النفس افتح. فجأة الطريق افتح. فجأة كل حاجة افتحت. يا جماعة ده ده فتح بشر لبشر فتحي الفتاح للبشر. امال ربنا يقدر يفتحها عليك قد ايه ؟ امال الفتاح يقدر يفتحها عليك قد ايه سبحانه وتعالى. احد رجال - 00:13:27

اعمل جاي له شحنة في الميناء. فهو رايج يستلم ومعه الورق بقى وال حاجات بتاعة التخلص والكلام ده. فمجموعه من التجار جاي لهم شاحنات من المينا فادو له كلهم ورقهم يستلم ويخلص الموضوع كله. بيقول رايج فراكب راكب المواصلة نزل من المواصلة. التاكسي يعني اللي وصله بيقول بيبيص على الشنطة - 00:13:47

الشنطة اللي فيها كل الورق. شحنات بالملايين. ملايين الجنيهات بل ملايين الدولارات. كل حاجة ضاعت في لحظة. العربية راحت والشنطة فيها. بيقول انا ما جاش في ساعتها غير ان انا استغفيس بالفتاح. غير ان انا اه بيقول وقف ساعة في الشارع. رافع ايدي وبادعي الفتاح سبحانه وتعالى. ان ربنا يغتنى مما انا - 00:14:09

وانه يجعل لي فرج مما انا فيه بيقول ساعة وهو قاعد يدعي ربنا لقى عربية وقف قدامه عربية اجرة فبيقول له لا انا مش عايز اركب فبيقول له انت مش كنت راكب معی الوقتي - 00:14:29

هو انت اللي نسيت الشنطة دي ؟ بيقول لقيت المستندات في ايدي في لحظة. لقيت كل الورق في ايدي في لحظة لجا لفتاح لجا لفتاح يفرجها عليه. لما الدنيا كلها قفلت قدامه. يا كل واحد متخرج جديد. يا كل واحد لسه عنده مفاتح الغيب. ما هوش عارف - 00:14:39

هي آآ ابواب الرزق موجودة ولا أ ؟ هيشتغل فين ؟ هيتجوز مين ؟ هيجب شقة منين ؟ الدنيا مقللة قدامه. مئات الالوف من الشباب قاعدين على القهاوي اللي لحد ما بقى عندهم تلاتين سنة ومش عارف يعمل ايه. اصحابه اللي متخرجين قبله بخمس دفعات لحد دلوتي ما اشتغلوش. فضلا عن انهم يتجوزوا فضلا عن انهم - 00:14:56

بيختلفوا فضلا عن انهم يبقى عندهم مشاريع مستقرة وانت خارج انت في اكتر لحظة تحتاج فيها الفتاح لأن هو اللي يقدر يفتح لك يقدر مش بس يقدر يفتح في الرزق. اصل الفتاح مش رزق بس. يقدر يفتح على قلبك - 00:15:16

يقدر يفتح على قلبك يقدر مش مرة كده. تلاقي فجأة اية سمعتها من الراديو. او وانت ماشي في الشارع تحس ان الاية رسالة لك. تحس ان ربنا فتح لك قلبك بها والله يا شباب. شاب من الشباب وكان خلاص من شباب القاهرة. وكان فقير جدا وقعد يحاول ان هو يجيب فلوس من - 00:15:31

كل الوسائل الحرام الدنيا مغلقة. فمرة وهو قاعد بقى في الصالة اللي على الارض من غير سجادة. الترابيزة القديمة وهو بيغبط على الترابيزة بيقول خلقتني ليه يا رب خلقتني ليه وهو بيغبط الراديو القديم اتهز. طلع منه صوت اذاعة القرآن. وما خلقت الجن والانسان الا ليعبدون. دي كانت - 00:15:51

اللحظة الفارقة ان الشاب ده التزم وتاب الى الله. سبحانه وتعالى الفتاح ممكن يفتح عليك انك تسمع كلمة يفتح على قلبك بها احد الشباب ودي قصة حقيقة كان رايح اتفق مع مجموعة من الشباب والبنات انهم يروحوا شقة بقى والساحل الشمالي ويعيشوا حياتهم بقى والعياذ بالله كل الموبقات. فهو كان خايف لأن كان اول مرة - 00:16:13

هي عملها خايف ابوه يعرف. خايف والدته تعرف. خايف اصحابه اللي ما لهمش في السكة دي يعرفوا! خايف اي حد يعرف. بيقول قفلت تليفوني. عملت كل الاحتياطات. وكان راكب قطر اسكندرية وينزل من اسكندرية ويروح على المكان بقى. عملت كل الاحتياطات. بيقول قعدت في القطر. قعد جنبي واحد بقى من العالم السنية وفاتح المصحف. ماشي يا عم اهي - 00:16:33

سفرية وتعدى بيقول وانا قاعد كده وممش في بالي سبحان الله العظيم ان ربنا لأول مرة يسمعني اللي جنبي بيقرأ يستخفون من الناس ولا يستخفون من الله. وهو معهم اذ بيبيتون ما لا يرضى من القول. بيقول خدت السكة كلها بcame لحد ما - 00:16:53

وصلت للمحطة بتاعة اسكندرية رجعت في اول قطر راجع بلدنا تاني وما رحتش في اي مكان الفتاح. ممكن يفتح عليك بكلمة تغير حياتك تغير مسار حياتك. اصل السكك كلها في ايده. لما بيقفل طريق مش عشان ما يحبكش. عشان يفتح لك الاوسع منه. واللي - 00:17:15

مصلحتك فيه اكتر هو اللي بایده كل الابواب. وبایده كل المفاتيح احنا لسة ما اتكلمناش لحد دلوقتي. يعني ايه الفتاح لسه ما اتكلمناش لحد دلوقتي ازاى انك انت ما تیأسش من فتحه ابدا. ان اكتر لحظة غلق ممكن تبقى اكتر لحظة فتح وانت مش عارف. ان ممكن بيقى الابواب مفتوحة - 00:17:35

حواليك بس انت مش داري ان الفتاح عمره ما مش ممكن يتخللى عنك ابدا. الفتاح قادر يفتح لك هي دي النقطة اللي انا عايز دلوقتي قلوبنا تتشبع بها. ان هو قادر قادر يفتح على قلبك. قادر مش مرة. رحت قعدة وكان مطلوب انك تتكلم - 00:17:53

وانت داعية وكان مطلوب تطلع على على منبر. حصلت لنا كلنا حصلت لنا كتير. ان انا ابقى طالع على منبر رسول الله صلى الله عليه وسلم. انا مش عارف انا اقول ايه. حصل لي زروف. كت مريض اyi - 00:18:11

ما كان مش عارف اقول ايه. تطلع على المنبر تناجي الفتاح تلاقي نفسك مش عارف تبطل. هينزلوك من على المنبر بالعاافية. كتر اللي ربنا بيفتح بها على قلبك وعلى ذهنك وعلى صدرك انت مش عارف تبطل كلام اصلا الفتاح. الفتاح لو فتح على لسانك يا داعي الى الله. الفتاح لو فتح - 00:18:21

على على زهنك وافكارك يا مخترع يا اللي قاعد في المعمل بتاعك. الفتاح لو فتح لك ابواب السعادة واختار لك الزوج اللي يسعدك انت كل مستقبلك وكل سعادتك في ايد الفتاح. انت كل اللي انت محتاجه في الدنيا في ايد الفتاح. ما ينفعش انك انت تعصيه. لان هو اللي في ايده - 00:18:41

كل حاجة في حياتك وانت محتاجه في كل لحظة. سبحان الله يا شباب يعني لو البشر قفلوها عليك. لو واحد طردك من الوظيفة لو مصدر دخلك الوحيد في الازمة اللي فاتت دي راح منك - 00:19:01

لو اي حاجة كنت متعلق بها وراحت منك لو حد قفلها عليك. لو واحد وقف لك وش في وش. لو واحد بقى سد وبيشدك لورا من انك تطلع لقدم اوعي تیأس. الفتاح ممكن يفتح لك باب لا انت ولا هو. تخيلتم والله الواحد بيستعجب السنة دي. شفتم في مصر الشتا السنة دي شكله - 00:19:13

والسنة اللي فاتت من اول ما سد النهضة بدأوا يحاولوا يمنعوا المية عن مصر سبحان الله العظيم. ربنا يرد كيدهم عنا يا رب ويسلم مصر من كل كيد ومن كل عدوان يا رب. من اول ما بدأوا الشتا بقى عجيب. سبحان الله العظيم كانها رسالة من ربنا. لو البشر حاولوا - 00:19:33

اقفلوها عليكم. انا اقدر افتح لكم ابواب فتحي لا تتخيلوها. ولا تتصورونها الفتاح. قادر انه يفتح على قلبك. قادر انه يفتح على قادر انه يفتح عليك فيما لا تخيله لأن هو الفتاح. سبحانه وتعالى هنقدر نعرف يعني ايه الفتاح بحق وحقيقي؟ اصل هو لما بيفتح بيفتح -

00:19:53

عشان كده الناس متعلقة بالاسم ده اوبي. سبحان الله كنت يعني في قول الله سبحانه وتعالى رحمة من عندنا. ربنا بيتكلم عن ايوب. ايوب ده اشد مرض ابتي به انسان على وجه الأرض. تمنتاشر سنة مرض مزمن خلاه يتسل ويبقى -

كانوا كان بيدخل الخلاء متensed على مراته. وكان بيخرج من الخلاء متensed على زوجته. سيدنا ايوب مرض رهيب ارضا

اتحرقت. آآ بيته اتحرق ولاده كلهم ماتوا. ما فيش انسان ابتي. الابتلاء اللي ابتيه سيدنا ايوب عليه الصلاة والسلام -

سيدنا ايوب لما ربنا رجعه لولاده وشفى له زوجته وخلالها تحمل في ضعف الزرية ويرجع له فلوسه وامطرت الزمان على ايه زهب مطرت عليه دهب. السما بتمطر دهب اللي ربنا يزيد. ربنا سبحانه وتعالى ادى له العافية تاني وربنا ادى له كل حاجة. ربنا قال في

الآخر ايه؟ رحمة - 00:20:48

من عندنا رحمة قل يا رب اللي انت عملته لايوب ده رحمة واحدة رحمة زي قصة موسى والخضر بعد كل اللي الخضر عمله برحمة الله قال في الآخر رحمة من ربك. كل ده رحمة واحدة. امال يا رب بقى رحماتك لو تنزلت هتبقي ايه يا رب -

00:21:08

كذلك لما ربنا قال للنبي عليه الصلاة والسلام انا فتحنا لك فتحا. فتحا دي اقرى سورة الفتح كده اربع صفحات. فتوحات منهمرة هو الذي انزل السكينة. ليزدادوا ايمانا. ليغفر الله لك ما تقدم من ذنبك وما تأخر. ينصرك الله يهديك صراطا. وعدكم الله مغافن -

00:21:28

اخري لم تقدروا عليها اثابكم فتحا قريبا. يد الله فوق ايديهم انما يباعيون الله. ذلك مثلهم في ايه يا رب ده! كل يا رب فاتحة! امال لو فتوحات بقى! عشان نعرف يعني ايه فتح! عشان نعرف انه لما بيفتح بيفتح! يعني ايه فتح! هو واحد فتح دكان! كسب الف جنيه في اليوم! يقول انا بفتح! لأه - 00:21:48

اللي في فتحي ده واحد كسب مليون جنيه في يوم. اللي في فتحي ده واحد ما كانش لaci ياكل وبقى ملطف ملطف ملياردير. هو الفتح ده يعني اقبلت عليك الدنيا بما فيها - 00:22:08

فتح الله. عشان كده الناس متعلقة اهو بالفتح. لأن الفتح ده هو التغيير الدرامي لحياتك. ان ربنا قادر انه يغير حياتك تغيير درامي. زي سيدنا موسى كده من اسود يوم لاول ليلة في شهر العسل. اسود يوم مطارد من خطر عليه وعايزين يقتلوه. جوان -

اطنخ ضرت من الجوع واكل ورق الشجر. جلد بطنه دخل في ظهره كما يقول ابن كثير. مطارد مش لaci شغل وحيد وبيجري لوحده وفي الآخر في الليلة دي لما عمل عمل صالح واحد بس سقى لهم. عمل عمل شهامة. عمل واحد صالح. الفتاح عمل له ايه؟ ليتلها كانت شهر العسل -

00:22:38

ليلتها كانت اول ليلة في شهر العسل. يعني واحد اسود يوم في حياته بالنهار واسعد ليلة في حياته بالليل. هو ربنا ونایم وفي ايديه حد عمل عشر سنين على ان تاجرني ثمناني حجج فان اتممت عشرها. وبيت و MAVI وزوجة. هو ايه ده! وامن وزال -

الفتاح الفتاح قادر انه يغير حياتك كلها في لحظة. الفتاح قادر ان هو يفرجها عليك سبحانه وتعالى في لحظة لو انت فعلًا اقبلت على عشان كده اه لو فتح. اه لو فتح احد السلف يقول وجدت في خزانةبني امية - 00:23:18

حبة حنطة امحامية في حجم نواة التمرة مكتوب عليها كان هذا ينبع في زمن العدل. لما الفتاح افتح الارض بالرزق. كانت حبابة القمح قد نواة التمرة ربنا قادر. ربنا قادر ان هو يفتح فتح مبين سبحانه وتعالى. قادر - 00:23:35

ان هو يفتح اكتر مما تخيل واكتير مما تتصور. عشان كده الفتاح بيكلم كل واحد الدنيا قفلت في وشه والابواب اتسدت في وشه وحاسس انه ما هوش عارف يروح ولا بيجي. عايز اقول لكم قصة او مسل جميل اوبي يا جماعة. عشان نعرف يعني ايه الفتاح - 00:23:55

ونعرف احنا ازاي عايشين في فتح الفتاح بس مش واحدين بالنا. احنا سبب مشاكلنا مش ان الابواب فوق الاسواق فتاح. ازاي بيقى  
00:24:14 - سارى: الابواب المفتوحة -

اللى معرضين عن فتح ابوابه المفتوحة كلمة شرحت قلبي مرة داخل مسجد في منطقة ممكناً يبقى ساكن فيها تلتزمت ربعمية الف يعني حوالي الف واحد على الاقل. فداخل فلقيت المسجد بيصللي فيه خمسة ستة فيقول لراجل كبير كده طيب او

00:24:28

وشه كده عليه الصلاح كده والله العزيم فبقول له هي الناس فين ده الحلة دي فايحة الف واحد. خمسة قال لي بابه مفتوح اللي عايز يدخل يدخل الكلمة دي شرخت قلبي يا جماعة بابه مفتوح. الفتح ممكن يكون موجود. انت اللي ما انتاش حاسس به. عشان كده -

00:24:44

اه اه احد الناس كان محكوم عليه بالاعدام. يعني مثل ضرب مثل محكوم عليه بالاعدام. فدخل عليه الملك بالليل المفروض الاعدام يتنفس بعد الفجر. فقال له قبل ما تموت اطلب قال له اتوسل اليك - 00:25:01

00:25:01 -

توصيل اليك انا عايز انجو. انا مش عايز اموت. الملك قال له طيب. انا هاسيب لك باب مفتوح في الزنزانة لو انت اكتشفت المكان اللي مفتوح في الزنزانة اخرج وانا هامر جنودي برة ان ما حدش يتعرض لك لحد الفجر قدامك فرصة الملك خرج - 00:25:15

00:25:15 خرج - الملك فرصة قدامك لحد الفجر لك

وشن الباب وراه الراجل كان هيتجنن. الملك مش بيكتب ، وده ملك البلاد وهيكتب على واحد زين ليه ؟ قعد يبص حواليه. يا ترى

00:25:32 -

يكون السقف يكون سهل ان انا اكسره قعد يكسر في السقف يكسر في السقف لقى ممر جري من الممر لقى في النهاية سد طريق سد يبقى مش هو ده الفتح. رجع تاني. تعان ومتبهدل ومش قادر. بس لازم يحاول. قعد يبص حواليه. اه ده

00:25:44

قصة في الجدار يكسر في الجدار لقى نفق طويل فضل يجري فيه. لقى قدامه بحر والطريق مسدود. مش ممكن. يكون ده الفتح اللي الملك قال لي عليه رجع تاني يا ترى الفجر بيقرب؟ طب اعمل ايه؟ وانا خلاص منتهي. يبقى تحت الارض بقى. فضل يحفر في الارض يحفر في الارض لقى بئر عميق - 00:26:04

00:26:04 -

نزل ينزل لقى السكة في الآخر سد. رجع قعد بيص يمين وشمال خلاص ضاعت. انا ما عرفتش الباب اللي الملك فتحه لي. فعل  
قاعد رائس ومحاط بـ ٥٥٠ متر الفحـ المـلكـ دخـ عـاـ ١ـ قـالـ اـ اـنتـ تـاسـ هـنـاـ - ٢٤:٥٦:٠٠

00:26:24 -

انت لسة ما عرفتش الباب اللي انا فتحته لك؟ قال له انا عملت كل حاجة. انا شقت السقف، انا حفرت الارض، انا شقيت الجدار. انا عملت كل حاجة الاربعين - ٦:٣٩:٥٠

00:26:39

الملك قال له عارف الباب اللي انا كنت فتحه لك فين ؟ الباب بتاع الزنزانة داهو اللي انا شديته ورايا بس ما قفلتوش ورايا بمفتأح  
انت لو كنت بس فتحت مقبض الباب كنت خرجت برة. وانا كنت امر جنودي برة ان هم يسيبوك لو انت فتحت الباب. انت فكرت في  
كل طريق الا - 00:26:49

00:27:08 -

الاوهام جوة الخوف. كلنا عايزين نتحرر ولكن مش عارفين. وربنا الفتاح سايب لنا الابواب مفتوحة. بس احنا مش فاهمين. ابواب حب ربنا اللي مفتوحة قدامنا وسائل الفتاح اللي ربنا فتحها لنا النهاردة - 00:27:29

00:27:29 -

قال فتح. هو ايه المعنى؟ هو - 00:27:45

00:27:45 -

يعني سمي نفسه بالاسم ده ليه؟ وهو الاسم ده ممكن يغير في حياتي ايه؟ طب استفید من اسم الفتاح امتنى؟ طب امتنى ارفع ايدي

واقول يا فتاح؟ هو الرسول امتي قال - 00:27:55

يا فتاح هو الرسول امتي ناداه؟ هو انا محتاج الاسم ده؟ طب محتاجه قد ايه؟ ومحاجه ازاي؟ وازاي ربنا يفتح الابواب علي ويغير لي حياتي ويفرجها من عندي باذن الله سبحانه وتعالى نستأنف مع بعض في هذه السلسلة باذن الله سبحانه وتعالى التي اسأل الله ان يجعلها فتحا علينا جميعا فتحا في معرفة الله فتحا في - 00:28:05

حب الله. فتحا في الزهد في الدنيا. فتحا في الشوق الى الفردوس الاعلى. فتحا في قيام الليل وصيام النهار. فتحا في العمل الصالح فتحا في حب رسول الله صلى الله عليه وسلم لان كل ده هو اللي علمنا لنا. عليه الصلاة والسلام سلسلة انا فتحنا لك تدبرات في اسم الله الفتاح - 00:28:27

ان شاء الله باذن الله نكمل مع بعض المرة الجاية. انتزرونا. اللهم انا نسألك خير هذا اليوم وخير هذه الليلة فتحها. وانا ونورها وبركتها وهداها. اللهم افتح لنا ابواب رحمتك. اللهم نسألك باسمك الفتاح ان - 00:28:47

افتتح لنا ابواب الرزق وان تفتح لنا ابواب الشفاء. وان تفتح لنا ابواب الفرج من كل كرب. يا فتاح يا اكرم الاكرمين. اللهم سبحانه اللهم وبحمدك اشهد ان لا اله الا انت استغفرك واتوب اليك. جزاكم الله خيرا - 00:29:07

اسماوه الحسنى تجلت في الورى. فهتف بها واجعل لقلبك من ضرر انا فتحنا والفتاح ميسرة فتحا مبينا ليس فيه تعسرا انا فتحنا والفتاح ميسرة. ميسرة اسماوه حسنى تجلى - 00:29:24